


聖濟總錄

吳錫璠著

大德重校聖濟總錄卷一之下

運氣

甲申歲



閩中吳錫璜黼堂校

少陽相火司天厥陰風木在泉中見太宮土運歲土太過氣化運行先天火化為天氣清化為左間斡化為司氣故天氣正而其政嚴酸化為地氣灼化為居氣藏化為右間故地氣擾而其令撓風迺暴舉木偃沙飛炎火迺流陰行陽化雨迺時應火木同德上應熒惑歲星其穀丹蒼故風熱參布雲物沸騰太陰橫流寒迺時至涼雨並起火化二雨化五風化八正化度也羽蟲靜毛蟲育歲物之宜也保蟲耗清毒不生地氣制之也民感其氣者其病寒中外發瘡瘍內為泄滿聖人遇之和而不爭往復作之民病寒熱瘧泄聾瞑嘔吐上拂腫色變是歲陽為天氣陰為地氣中見土運木生火火生土下生上天氣盈宜於年前先取化源以平天氣之火抑其運土贊所不勝暴過不生苛疾不起歲宜鹹宜辛宜酸滲之泄之漬之發之運異風熱少用寒化其化上鹹寒中鹹和下辛涼藥食宜也歲半之前少陽主之火淫所勝則血氣流行金政不平民病頭痛發熱惡寒而瘧熱上皮膚色變黃赤傳而為身面胗腫腹滿仰息泄注赤白瘡瘍咳唾血煩心胸中熱甚則顛衄病本于肺診在手天府之脉法宜平以鹹以苦以苦甘以酸收之以苦發之以酸復之歲半之後厥陰主之木能勝土地氣制運風淫于內則地氣不明平野昧草迺早秀民病灑灑振寒善伸數欠心痛支滿

兩脇裏急飲食不下高咽不通食則嘔腹脹善噫得後與氣則快然如衰身體皆重法宜治以辛涼佐以苦以甘緩之以辛散之歲運之化土太過紀曰穀旱是謂廣化厚德清靜順長以盈至陰內實物化充成煙埃鬱鬱見於曆書大雨時行濕氣過用燥政迺辟其化圓其氣豐其政靜其令周備其動濡積並穡其德柔潤重淖其變震驚飄驟其化兼其所勝其病腹滿四支不舉故曰歲土太過雨濕流行腎水受邪民病腹痛清厥意不樂體重煩冤甚則肌肉萎足痿不收行善瘕脚下痛飲發中滿食減四支不舉變生得位風雨大至其病腹滿澹泄腸鳴反下甚診在足太谿之脉其法治以鹹和初之氣自癸未年大寒日寅初至是歲春分日子初凡六十日八十七刻半主位太角木客氣少陰火中見土運木生火地氣遷風勝迺搖寒迺去候迺大溫草木早榮寒來不殺溫病迺起其病氣怫於上血溢目赤欬逆頭痛血傷脇滿膚腠中瘡宜治少陰之客以鹹補之以甘寫之以酸收之歲穀宜丹間穀宜豆二之氣自春分日子正至小滿日戌正凡六十日有奇主位少徵火客氣太陰土中見土運氣與運同火反鬱白埃四起雲趨雨府風不勝濕雨迺零民迺康其病熱鬱於上欬逆嘔吐瘡發於中胸嗑不利頭痛身熱昏憤膿瘡宜治太陰之客以甘補之以苦寫之以

甘緩之歲穀宜丹間穀宜麻是氣也用涼遠涼無犯司氣之涼三之氣自小滿日亥初至大暑日酉初凡六十日有奇主位少徵火客氣少陽火中見土運火當其位天政布炎暑至少陽臨上雨過涯民病熱中聾瞑血溢膿瘡欬嘔歔血渴噎欠喉痺目赤善暴死宜治少陽之客以鹹補之以甘瀉之以鹹與之歲穀宜丹間穀宜豆四之氣自大暑日酉正至秋分日未正凡六十日有奇主位太宮土客氣陽明金中見土運歲土得位與金相生涼過至炎暑間化白露降民氣和平其病滿身重宜治陽明之客以酸補之以辛瀉之以苦泄之歲穀宜蒼間穀宜黍五之氣自秋分日申初至小雪日午初凡六十日有奇主位少商金客氣太陽水中見土運金生水陽過去寒過來雨過降氣門過閉剛木早凋民避寒邪君子周密是歲土運制之寒邪過微宜治太陽之客以苦補之以鹹瀉之以苦堅之以辛潤之歲穀宜蒼間穀宜稷終之氣自小雪日午正至大寒日辰正凡六十日有奇主位太羽水客氣厥陰木地氣正風過至萬物反生霧霧以行其病關閉不禁心痛陽氣不藏而欬宜治厥陰之客以辛補之以酸瀉之以甘緩之歲穀宜蒼間穀宜稻六氣之治此其道也若過歲氣之交天氣外勝者當有太陽之復地氣風勝者當有陽明之復各依其復法治之

陽明燥金司天少陰君火在泉中見少商金運歲金不及氣化運行後天少商之金不及而同天化是謂天符又金運臨酉是謂歲會上與天符下與歲會三合為治名曰太一天符氣至平也平金之歲紀曰審平收而不爭殺而無犯五化宣明其氣潔其性剛其用散落其化堅斂其政勁肅其候清切其令燥其類金其應秋其穀稻其果桃其實殼其蟲介其畜雞其色白其味辛其音商其數九其物外豎其在人也其藏肺其鼻主其養皮毛其病欬此運化也天地之氣天氣為燥化左間為藏化右間為明化故天氣急而其政切地氣為苦化左間為柔化右間為動化故地氣明而其令暴陽專其令炎暑盛行物燥以堅浮風迺治風燥橫運流於氣交多陽少陰雲趨雨府濕化迺敷燥極而澤蟄蟲迺見流水不冰金火合德上應太白熒惑其穀白丹間穀命太者其耗白甲品羽故曰熱化寒化勝復同邪氣化度也燥化四清化四熱化二正化度也歲物之宜則介蟲靜羽蟲育地氣所制則介蟲耗寒毒不生是以清熱之氣持於氣交清先而動毛蟲迺死熱後而暴介蟲迺殃其發躁民病欬噎塞寒熱發暴振慄癢闕歲半之前陽明主之其化燥者天之政也歲半之後少陰主之其令熱者地之化也金為天氣火為地氣火能勝金遇太一天符金氣自平不資化源惟安

其運金無使受邪食白丹之穀以安其氣食間氣之穀以去其邪歲宜以鹹以苦以辛汗之清之散之其運同清宜多地化其化上苦小温中苦和下鹹寒藥食之宜也初之氣自甲申年大寒日己初至是歲春分日卯初凡六十日八十刻半主位太角木客氣太陰土中見金運土金相生地氣遷陰始凝氣始肅水迺冰寒雨化其病中熱脹面目浮腫善眠歛衄嘔欠嘔小便黃赤甚則淋宜治太陰之客以甘補之以苦寫之以甘緩之歲穀宜白間穀宜麻雖有濕化不能為邪二之氣自春分日卯正至小滿日丑正凡六十日有奇主位少徵火客氣少陽火中見金運二火相加陽迺布民迺舒物迺生榮厲大至民善暴死是歲金氣平雖有厲疾不至天橫宜治少陽之客以鹹補之以甘寫之以鹹更之歲穀宜白間穀宜豆雖有火化不能為邪三之氣自小滿日寅初至大暑日子初凡六十日有奇主位少徵火客氣陽明金中見金運歲運符天金氣迺平天政布涼迺行燥熱交合燥極而澤民病寒熱宜調陽明之客以酸補之以辛寫之以苦泄之歲穀宜白間穀宜黍雖有燥化不能為邪是氣也用涼遠涼無犯司氣之涼四之氣自大暑日子正至秋分日戌正凡六十日有奇主位太宮土客氣太陽水中見金運金水相生寒雨降病暴仆振慄譫妄少氣嗌乾引飲及


為心痛癱腫瘡瘍瘧寒之疾骨痠血便宜治太陽之客以苦補之以鹹寫之以苦堅之以辛潤之歲穀宜丹間穀宜稷雖有寒化不能為邪五之氣自秋分日亥初至小雪日酉初凡六十日有奇主位少商金客氣厥陰木中見金運歲運當位其氣平厥陰居之春令反行草迺生榮民迺和宜調厥陰之客以辛補之以酸寫之以甘緩之歲穀宜丹間穀宜稻雖有風化不能為邪終之氣自小雪日酉正至大寒日未正凡六十有奇主位太羽水客氣少陰火中見金運火能勝金陽氣布候反溫蟄蟲來見流水不冰民迺康平其病溫宜治少陰之客以鹹補之以甘寫之以酸收之歲穀宜丹間穀宜豆雖有熱化不能為邪此六經之常也治之大法和者平之各安其氣必清必靜則邪氣自衰歸其所宗此治之大體也

太陽寒水司天太陰濕土在泉中見太羽水運歲水太過氣化運行先天太過而同天化是謂天符平水之歲也水運平者命曰靜順之紀藏而勿害治而善下五化咸整其氣明其性下其用沃衍其化凝堅其政流演其候凝肅其令寒其類水其應冬其穀豆其果栗其實濡其蟲鱗其畜彘其色黑其味鹹其音羽其數六其物濡其在人也其藏腎其主二陰其養骨髓其病厥此歲運之化也天地之氣寒化司天動化為左間清化為右間故天政所布其氣肅甘化在泉明化為左間灼化居氣為右間故地氣靜而其令徐寒臨太虛其政大舉陽氣不令澤無陽燄則火發待時少陽中治時雨迺止極雨散還於太陰雲朝北極濕化迺布澤流萬物寒化六雨化五正化度也鱗蟲靜裸蟲育歲物之宜也鱗蟲不成燥毒不生地氣制之也寒敷于上雷動于下水土合德上應辰星鎮星其穀玄斡寒濕之氣持於氣交民病寒濕發肌肉萎足痿不收濡寫血溢是歲水在上土在下土勝水天氣虛水運符天其氣自平不資化源惟抑運水扶其不勝無使暴過而生其疾歲宜以苦燥之溫之食玄斡之穀以全其真避虛邪之氣以安其正運與寒同宜燥熱化故曰其化上苦熱中鹹溫下甘熱藥食宜也歲半之前太陽主之太陽有本標之化當其時寒熱得中者天之和氣至

也歲半之後太陰主之太陰之化從本當其時濕化應者地之令也初之氣自乙酉年大寒日申初至是歲春分日午初凡六十日八十七刻半主位太角木客氣少陽火中見水運少陽中治地氣遷氣過大溫草過早榮民過厲溫病過作身熱頭痛嘔吐肌腠瘡瘍宜調少陽之客以鹹補之以甘寫之以鹹與之歲穀宜玄間穀宜豆則火不為邪二之氣自春分日午正至小滿日辰正凡六十日有奇主位少徵火客氣陽明金中見水運大涼反至民過慘草過遇寒火氣遂抑民病氣鬱中滿寒過始宜調陽明之客以酸補之以辛寫之以苦泄之歲穀宜玄間穀宜黍則燥不為邪三之氣自小滿日巳初至大暑日卯初凡六十日有奇主位少徵火客氣太陽水中見水運氣與運相符而布天政寒氣行雨過降民病寒反熱中癰疽注下心熱瞽悶不治者死宜調太陽之客以苦補之以鹹寫之以苦聖之以辛潤之歲穀宜玄間穀宜稷則寒不為邪是氣也用寒遠寒無犯司氣之寒四之氣自大暑日卯正至秋分日丑正凡六十日有奇主位太宮土客氣厥陰木中見水運水生木風濕交爭風化為雨過長過化過成民病大熱少氣肌肉萎足痿注下赤白宜調厥陰之客以辛補之以酸寫之以甘緩之歲穀宜粳間穀宜稻則風不為邪五之氣自秋分日寅初至小雪日子初

凡六十日有奇主位少商金客氣少陰火中見水運大火所居陽復化草廼長
廼化廼成民廼舒宜調少陰之客以鹹補之以甘寫之以酸收之歲穀宜藪間
穀宜豆則熱不為邪終之氣自小雪日子正至大寒日戌正凡六十日有奇主
位太羽水客氣太陰土中見水運水運得位濕土居之地氣正濕令行陰凝太
虛埃昏郊野民廼慘悽寒風以至反者孕廼死宜調太陰之客以甘補之以苦
寫之以甘緩之歲穀宜藪間穀宜麻則濕不為邪此六氣之化也歲行平水之
化天符為執法邪或中之民有卒急之病經曰中執法者其病速而危也


丁亥歲



厥陰風木司天少陽相火在泉中見少角木運歲木不及上角與正角同又木不及而同天化是謂天符氣化運行同天木氣適平命曰敷和之紀木德周行陽舒陰布五化宣平其氣端其性隨其用曲直其化生榮其政發散其候溫和其令風其類草木其應春其穀麻其果李其實核其蟲毛其畜犬其色蒼其味酸其音角其數八其物中堅其人在人也其藏肝其主目其養筋其病裏急支滿此歲運之化也歲氣之化上見厥陰左間少陰右間太陽故天氣擾而其政撓下見少陽左間陽明右間太陰故地氣正而其令速風生高遠炎熱從之雲趨雨府濕化迺行風火同德上應歲星熒惑其穀蒼丹間穀言太商之穀其耗文角品羽清化熱化勝復同邪氣化度也風化三火化七正化度也毛蟲靜羽蟲育是迺歲物所宜介蟲耗寒毒不生是皆地氣所制故風燥火熱勝復更作蟄蟲來見流水不冰熱病行於下風病行於上風燥勝復形於中是歲陰為天氣陽為地氣天氣虛木運符之又木火同德其氣專不資化源惟贊運木無使邪勝歲宜以辛調上以鹹調下畏火之氣無妄犯之故曰其化上辛涼中辛和下鹹寒藥食宜也歲半之前天氣主之天布厥陰之政其令風歲半之後地氣主之地行少陽之令其化火氣化之常也初之氣自丙戌年大寒日亥初至是歲

小雪日卯正至大寒日丑正凡六十日有奇主位少羽水客氣少陽火中見木
逢木生火畏火司令陽迺大化蟄蟲出見流水不冰地氣大發草迺生人迺舒
其病溫厲宜調少陽之客以鹹補之以甘寫之以鹹奠之歲穀宜丹間穀宜豆
則火不為邪此六氣之化也歲為平木或有邪氣則中執法人有急卒之病經
曰中執法者其病速而危也

戊子歲



皇齊總錄

卷一百一

運氣

乙